

МЫЙ ЙӨРАТЕМ ТИДЕ МЛАНДЫМ

Шыжа тылзын 25-ше кечынже Морко рүдө книгагудышто туныктымо пашан ветеранже Галина Васильевна Кузьминан у книга презентацийже эртыш.

Галина Васильевна Кузьмина 1947 ий шорыкйол тылзын икымше кечынже Элнеттүр ялеш шочын-кушкын. Ислетский тўналыш школышто шинчымашым поген. 9-ше классыште тунеммыж годым «Теле» почеламутым возен. Вараже тўрлө статья, почеламут, ойлы-маш-влак шочаш тўналыныт. Ёмыржө мучко школышто тыршен, йоча-влакымат сылнымут деке шўманген шоген.

Сылнымут кумылан ўдырамаш районысо книгагудо пеленысе «Морко памаш» клубын кажне вашлиймашкыже уло кумылын вапка. Кызытеш кум книгам савыктен луктын: «Тулык ватын ўдыржө», «Сенымаш дене пўртылшө-влак», «Элнеттўр ялын калыкше».

Книга-влакын комыштыштыт Элнеттўр кундемын моткоч сылне пўртўсшым почын ончыктымо. Нине книгалашке тукумвож кылым пуртымо. Калыкын колхозышто тыршымыже, ача деч посна кодшо еш-влакын орла-



нымышт, сплавыште пристаньгыч пырня-влакым сўмырен, шошым Элнет энерыш колтыммышт, кутезе-влакын сарын кочыжым ужмышт, тудым сенен, мөнгө пўртылмышт, шукуштын ўмырешлан вуйым пыштыммышт нерген келгын почын пуымо.

Вашлиймашке сылнымутым йоратыше-влак, книгагудо пашаен-влак, «Россияночка» ансамбльын коллективше погыненыт.

Галина Васильевна шке книгаже нерген чон почын каласкален, кунамже муралтенат колтен, почеламутымат сылнын лудын.

Морко районысо книгагудо системым вуйлатыше Марга-

рита Николаевна Семенова саламлыме мутым каласен. «Ал ўжара» ден «Россияночка» коллектив-влак шке мурыштыт дене пайремым сбрастареныт.

Морко мландын талантан ўдыр-рвезыштыт Галина Васильевна Кузьмина семын тукум-вожым шымлен, калыклан палдарен шогат гын, марий калыкна умбакыжат илаш да чолга шўдыр семын волгалташ тўналеш.

Краеведений секторыш тыгай күлешан книгам пөлеклымылан Галина Васильевналан кугу таум каласена. А лудшо-влакым у книгам лудаш ўжына да вучена.

Ираида КУДРЯШОВА,
книгагудо пашаен